



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49.492223810

თარიღი:26/08/2022

გ ა ნ კ ა რ გ უ ლ ე ბ ა № 109

არასამეწარმეო (არაკომერციული) იურიდიული პირის „ბავშვთა ინკლუზიური ცენტრი“-ს მიერ 2022 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ანგარიში, ა(ა)იპ „ბავშვთა ინკლუზიური ცენტრი“-ს მიერ 2022 წლის I-II კვარტალში გაწეული მუშაობის შესახებ.

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „ბავშვთა ინკლუზიური ცენტრი“-ს ანგარიში 2022 წლის I-II კვარტალში გაწეული მუშაობის შესახებ.
2. ა(ა)იპ „ბავშვთა ინკლუზიური ცენტრი“-ს მიერ 2022 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრაძის ქ. №11).

თეიმურაზი ჭვიშვილი

წყალტუბოს მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიციური ელექტრონული ხელმოწერა/ ელექტრონული შტამპი



ანგარიში

ა (ა) ი პ „ ბავშვთა ინკლუზიური ცენტრი“-ს მიერ 2022 წლის I-II კვარტალში გაწეული მუშაობის შესახებ

ა(ა) იპ „ბავშვთა ინკლუზიური ცენტრი“ დაარსდა 2015 წელს. ცენტრი სრულად ფინანსდება წყალტუბოს მუნიციპალიტეტის მიერ.

ა(ა) იპ „ბავშვთა ინკლუზიური ცენტრი“-ს ხარჯთაღრიცხვა 2022 წელს შეადგენს 148 600 ლარს.

ექვსი თვის განმავლობაში ათვისებულია 73 463,70 ლარი, ცენტრი ახორციელებს შშმ პირთა ზრუნვის პროგრამას. ჯანდაცვის სამინისტროს დადგენილების რეაბილიტაცია/აბილიტაციის პროგრამას, ინტეგრაციას, ინკლუზიურ განათლებას.

ცენტრში ირიცხება წყალტუბოში და წყალტუბოდან 20 კმ -ის რადიუსში მცხოვრები ბენეფიციარები. ბენეფიციარებს ემსახურება ცენტრის კუთვნილი მიკროავტობუსი.

ბენეფიციარები უზრუნველყოფილნი არიან ორჯერადი კვებით. ორივე კვება სამ/კომპონენტანია. ხორცის და თევზის პროდუქტების შემოტანა ხდება კვირაში 4-ჯერ, ყოველდღიურად.

თითოეულ ბავშვზე გათვლილია კალორაჟი. მიღებული საკვების ნიმუშები 24 საათის განმავლობაში ინახება მაცივარში (უსაფრთხოების თვალსაზრისით).

ცენტრი აღჭურვილია თანამედროვე ტექნიკით, მუსიკალური ინსტრუმენტით, რომლის საშუალებითაც ხდება ბენეფიციარების ჩართვა კულტურულ ღონისძიებებში. ცენტრი აღჭურვილია კომპიუტერული ტექნიკით, პროექტორით, ლამინირების აპარატით. ცენტრში ფუნქციონირებს ვიდეოთვალი.

ა(ა) იპ „ბავშვთა ინკლუზიური ცენტრი“-ში 2022 წლის I – II კვარტალში ირიცხებოდა 17 ბენეფიციარი

შემდეგი დაავადებებით:

1. დაუნის სინდრომით
2. აუტისტური სპექტრით
3. ცერებრალური დამბლით
4. გონებრივი შეზღუდვით

ცენტრში დასაქმებულია 16 ადამიანი.

კოვიდ 19-ის ეპიდემიოლოგიური სიტუაციიდან გამომდინარე შეზღუდულ იქნა კულტურული და სპორტული ღონისძიებები, ექსკურსიები, მიუხედავად ამისა ბავშვთა ინკლუზიური ცენტრში ჩატარდა შემდეგი ღონისძიებები:

1. დედის დღე 3 მარტი, ბავშვებმა თავისი ხელით შექმნილი საჩუქრებით მიულოცეს დედებს დედის დღე.
2. 8 მარტი, ბენეფიციარებმა სიმღერებით და ლექსებით მიულოცეს პედაგოგებს ქალთა საეთაშორისო დღე.
3. 21 მარტი, დაუნის სინდრომის საერთაშორისო დღე. წყალტუბოს მუნიციპალიტეტის მერმა ბატონმა გენადი ბალანჩივამე და მერიის თანამშრომლები ტორტითა და ტკბილეულით გაუმასპინძლდნენ ბენეფიციარებს.
4. 2 აპრილს ავღნიშნეთ აუტიზმის საერთაშორისო დღე ქალაქის ხელმძღვანელობასთან ერთად.
5. აღდგომის დღესასწაული თითოეული ბავშვისთვის განსაკუთრებული დღეა, ბენეფიციარების ოჯახებს სააღდგომო სასაჩუქრე ნაკრები გადასცა წყალტუბოს მუნიციპალიტეტის მერიამ და საკრებულომ.
6. ქალაქის N2 საჯარო სკოლამ სასიამოვნო დღე აჩუქეს ბავშვებს და ტკბილეულით გაუმასპინძლდნენ.
7. ბავშვებს მოვუწყვეთ ექსკურსია ქალაქის ტერიტორიაზე, გავისეირნეთ პარკში, დავათვალიერეთ ღირშესანიშნაობები. დავესწარით თბილისის დინამოსა და წყალტუბოს სამგურალის მატჩს, წყალტუბოს საფეხბურთო სტადიონზე.
8. მოვაწყვეთ ღონისძიება, სადაც შეხვედრა მოვუწყვეთ ცენტრიდან წასულ ბენეფიციარებს, ლექსებით და სიმღერებით შევხვდით მოწვეულ სტუმრებს, ქალაქის მერს, საკრებულოს თავმჯდომარეს, მერიის თანამშრომლებს და საკრებულოს წევრებს, რომლებმაც პატარებს საჩუქრები გადასცეს.

შექმნილი ეპიდემიოლოგიურ ვითარებასთან დაკავშირებით ორ კვირაში ერთხელ ცენტრის თანამშრომლებს უტარდება გეგმიური სწრაფი ტესტის კვლევა.

მულტიდისციპლინარულ გუნდთან ერთად შემუშავებულია თითოეულ ბენეფიციართან მუშაობის ინდივიდუალური სამუშაო გეგმა. ხდება ონლაინ ჩართვები სამუშაო გეგმის შესაბამისად. ბავშვებს ბინაზე ურიგდებათ სამუშაო მასალა, რომელიც შედგენილია მათი გონებრივი შესაძლებლობების მიხედვით.

მუშაობა მიმდინარეობს შემდეგი უნარების განვითარების მიმართულებით:

- 1.აკადემიური უნარები
- 2.მეტყველების უნარები
- 3.ქცევა.
- 4.ფუნქციური უნარები (ყოფითი უნარ-ჩვევები)
- 5.მსხვილი და ნატიფი მოტორული უნარები
- 6.კოგნიტური უნარები
- 7.ემოციურ სოციალური სფერო.

თითოეულ ბენეფიციართან მიმდინარეობს სწავლება როგორ უნდა დაიცვან პანდემიის პირობებში რეგულაციები.

1. პირბადის ტარება
2. ხელების დამუშავება სადეზინფექციო ხსნარით (დისპენსერის გამოყენება).
2. დისტანციის დაცვა
3. ხელების ხშირი დაბანა.
4. სუნთქვითი ვარჯიშები

პანდემიამ გარკვეული კვალი დატოვა თითოეული ბენეფიციარის განვითარებაში. თუ კი მიღწევები წინა წლებში მაღალი იყო, 2022 წელს ეს შედეგები საგრძნობლად ნაკლებია.

„ბავშვთა ინკლუზიურ ცენტრი“-ს უსასყიდლოდ ემსახურებიან

1. შპს „ჰიგია“ - ხელ-ი ც. გურემიძე
2. შპს „ერი“ - ხელ-ი რ. კუხალაშვილი
3. შპს „ფლაინეტი“ ხელ-ი- გ. ყუფარაძე

მადლობა მინდა გადავუხადო ყველა იმ ადამიანს, რომლებიც ზრუნავენ ბენეფიციარების მდგომარეობის გაუმჯობესებასა და მათი კეთილდღეობისათვის.